



啓禎野乘四卷  
至八



啓禎野乘四冊



啟禎野乘一集卷七

梁谿鄒

漪流綺甫纂

李宗伯傳

公名維楨字本寧楚京山人也生而夙慧讀書萬卷  
 弱冠成進士選庶吉士除編修穆廟實錄成陞修撰  
 與許文穆公齊名同館有日記不得問老許做不得  
 問○小○李○仁○聖皇太后修胡良巨馬橋詞臣撰碑進御  
 獨取公文○乙亥內計出為陝西叅議遷提學副使自  
 是浮湛外僚凡三十年其間居艱者再左遷量移者



再同時故人多在臺閣公流滯自如終不一通殷勤  
願蒙子公力得入帝城凡自翰林出爲外吏者多鄙  
夷其官不肯習吏事公官於秦晉梁蜀江淮歷叅議  
副使叅政按察使以至右布政使討敵於鄜衍征番  
於洮岷行河於潁平妖於浙採木於蜀精強治理不  
敢以詞垣宿素少自暇豫退食委蛇自讀書之外泊  
然無所嗜好掩閣據几焚膏秉燭拮據舊聞鑽穴故  
紙老而好學惟公有焉初在館閣有重名碑版之文  
炤耀四裔晚僑居白門廣陵間鴻裁艷詞足以沾丐

衣被而又能附會曲隨以屬饜求者之意海內謁文  
者趨走如市門下士爭招邀富人太賈受取其所奉  
金錢而藉記其目以請公洒毫閣筆次第應之一無  
倦容萬曆末年諸宿德巨公以師古自任者相次歿  
詩文家侈負性靈乃人自建標而工箴棄以爲善用  
兵驅市人無衡敵安事節制至引俚俗諱諧連篇牘  
矜神奇而作俑自楚人始其初偶解脫遊戲而後進  
厭常喜新無論賢智在愚躁者尤効爲之病在詩繼  
乃及文公深悼惜屢引學記操縵博依冶裘弓箕相

警曉人卒不省。又公於應嘉諸文。多不暇積思濯磨。及陳典命物。未能絕襞積。人或操峻聳澹宕相責。脩故論相持莫遽解。然至講晰國故。鈞考奧隱。皆謂瑯琊新都後。指不多屈。其論詩則謂三百篇刪自仲尼。材高而不炫奇。學富而不務華。漢魏肖古。什二三六朝。厭爲卑近。而求勝於字與句。然才相萬矣。故博傷雅巧。傷質。唐人監六朝之敝。而劇濯其字句。以當於溫柔敦厚。然學相萬矣。故變而不化。近而易窺。要其盛衰律體。情勝則俚。才盛則離。法嚴而韻諧。意貫而

語秀。初盛奪千古。幟後無來者。絕句不必長。亦而可。以情勝。初盛饒爲中晚。亦無讓也。歌行伸縮由人。卽才情俱勝。不失體中。晚議論多。而敦琢疎無取焉。初盛諸子。啜六朝餘瀝。爲古選子。昂應物。復失之形迹之內。李杜一二大家。故自濯濯。要唐調。不敢曰以漢魏。况三百乎。今之詩。不患不學唐。而患其太過。卽事對物情。與景合。而有言幹。以風骨文。以丹采。唐詩如是。止爾。事物情景。必求唐人所未道。而稱之。過也。山林晏遊。則興寄清遠。朝享侍從。則制存壯麗。邊塞征

成則凄惋悲壯。睽離患難。則沉痛感愷。緣機觸變。各適其宜。唐人妙以此。今懼其格之卑。而憊之悲壯。感慨過也。律體出而才下者。襲爲應酬之具。才偏者。騁爲誇詡之資。選古幾廢矣。好大者。復譁其短。強所未至。而務兼收。並撮攬。擷以減菁華。摹擬以減本真。皆不善學唐者也。蓋公於詩持論如此。公旣久外藩。後乃晉同卿。進太常。天啟初。纂修神宗實錄。議翕然謂公老於文學。諳識吏事。早入史館。四十餘年。朝常國故。皆能貯之篋笥。編之譜牒。宜令專領史局。當事者格其議不果。稍遷南京禮部右侍郎。陞尚書。名爲錄用。實不令領史事。公亦以年老引疾。疇天啟六年六月卒於家。年八十。初公之自翰林出也。劉御史臺論江陵罪狀。數其忌公而逐之。江陵敗。人謂公當抗論。自白。公曰。江陵惜我才。欲以吏事練我。彼未嘗阨我。忍利其死。以爲贄乎。人以此服公長者。崇禎辛未。贈公太子太保。賜祭如令甲。

論曰。明詞壇最顯重者。歷下。濟南。瑯琊。新都。皆始未獲侍金馬。後不及登大耋。公雖浮沉方岳。顧其始嘗

分木天一席。後復老秩宗。優游黃髮。巍然靈光。身名俱泰。視前人際遇。不啻勝之。雖沙堤未築。豈有憾焉。獨是馬融。三入東觀。張華再典史官。並取博聞。咸資舊德。公實其人。而授藹缺。如汗青奚賴。豈願皇金。匪石室之編。不宜駕扶風。而並順陽乎。不然。胡舍以驥。不御也。

顧文莊傳

公名起元。號鄰初。江寧人。生而穎慧。絕倫。中萬曆戊戌會試。第一人。授翰林院編修。分考甲辰會試。未幾乞歸。起南京國子監司業。兼掌翰林院印。以母喪去。任再召。不赴。陞南祭酒。再陞至南京吏部右侍郎。天啟初年。改吏部右侍郎。兼翰林院侍讀學士。協理詹事府事。以疾不赴。崇禎元年。卒。公端靜淵穆。不溷溷。為同不嘒嘒。為異胸中絕無畛域。而學問宏博。凡古今成敗人物臧否。以至諸曹掌故。無不究心。口陳指



畫歷歷如睹按策而求之百不漏一居鄉絕跡公府  
 無一字關說惟地方利病人情屈抑則不避忌諱  
 媿言之如兵部快船改馬船絕衛弁之科索兩縣坊  
 廂準里甲為條編皆更定良法於軍民甚便有妄言  
 復舊以便其私者人情洵洵得公力爭之事乃寢公  
 既負文章清望接引後進孳孳如不及其為學以列  
 聖傳心為主踐履實用功上窮道體幽探元化謂  
 聖人精義入神之功於百家眾技之末是以一  
 事一物莫不旁出流沂源詩文直逼秦漢而

清芬麗藻兼六代之長所著有嬾真草堂集編年稿  
 四書私箋中庸外傳說畧顧氏小史客座贅語壺天  
 快語金石考諸書南都謚文莊公遺命不乞諡錄子  
 孫又貧故其遺書軼事多不傳云  
 論曰公博學通才固一代師儒也竟其造誼允宜備  
 顧問於內庭參密命於翰苑而通籍三十年立朝僅  
 五載晚年病廢不究其用士論惜之然天之所以大  
 寄斯文而為後學耳目者所重誠在此不在彼也又  
 何以是為公芥蒂哉公嘗誌焦澹園太史墓云先生

之官蹟在○金○馬○玉○堂○先生○之○道○價○在○儒○林○文○苑○先生○  
之○大○業○在○名○山○國○門○先○生○之○風○教○在○九○州○四○海○先○生○  
之○遺○思○在○穆○丘○槐○市○其○即○公○之○自○道○也○夫○

董文敏傳

公名其昌字玄宰號思白華亭人。髫年賦詩語出必  
驚人。又從莫中江遊得荆川舉業正派漸成。大家中  
萬曆己丑進士官庶吉士授編脩訓後學有倍蓰數  
則及十字訣義望重一時。忤時相出副使督學湖廣  
公力正文體勗士子以弘博日校文千餘帙不淆黑  
白陞福建叅議廷臣交章薦召爲經筵日講天啓初  
擢太僕寺卿暇卽殫心理學既而讀曹洞語錄有省  
遂証了義崇禎乙亥以禮部尚書兼太子太保致仕

又二年卒年八十有二。公天姿高秀。書畫妙天下。和  
易近人。不爲崖岸。庸夫俗子皆得至其前。臨池染翰。  
揮洒移日。最矜慎。其畫貴人巨公。鄭重請乞者多。倩  
他人應之。或點染已就。僮僕以贗筆相易。亦欣然爲  
題署。都不計也。家多姬侍。各具絹素。索畫稍倦。色  
則謔詠。繼之購其真跡者。得之閨房者爲多。精賞鑒。  
通禪理。蕭閑吐納。終日無一俗語。米元章。趙子昂。一  
流人也。南都予諡文敏。

論曰。董文敏落筆妙天下。哀然一代文宗也。讀其立

朝諸疏。蓋最留心時務者。平生著述甚富。非闕學淵  
深者能如是乎。雞林價重。異域稱爲大蘇。鶴禁功高。  
清班推爲老鳳。諡曰文敏。無媿色焉。

表文選傳

公名中道字小修湖廣公安人十歲能賦刻畫餽釘似成人者喜讀老莊諸家言皆自作註疏多言外趣旁及西方之書教外之語備極研究爲諸生數隨兩兄在京師兩兄交遊皆當世名士公連袂馳騁其間才氣英壯下筆騰沓不休兄弟又數數講學談禪互相予奪以是學日以進一時聲稱籍甚會中丞梅國禎鎮雲中邀與相見遂出居庸關過濕餘水歷土木行視先朝戰場駐馬徘徊者久之中丞故當世偉人

而公夙負奇氣。坐上坐。劇譚相得。歡甚。每有所論。中丞皆退。疏之一詩成。輒曰：真才子也。嘗於水磨河置酒。大合樂。泛舟辯論。鋒起沙飛。海立中丞。自謂數十年無此樂。率將佐出獵。並馬笑譚。千騎圍繞。笳管清路。箭作鶯鷓。叫擊鮮共啗。浮大白無數。比歸而城中燈火已闌珊矣。萬曆癸卯中。順天鄉試。數上南宮。不第。復策蹇出塞。走漁陽。上谷間。經年乃還。買一舟名汎鳧。置糗糧其上。書畫數籠。任意行止。彷彿張子同。趙子固之爲人。遇佳山水。輒艤舟。邀其地勝流。共登

聊唱和。間出古器法書名畫。評賞。夏一。一籍記。

其事因自號曰鳧隱。旣遊桃源德山。因放舟下金陵。汎西子湖。凡吳中名流高衲。歌兒老姬。無不口小修爲名士。而公亦到處題咏。不輟。已同中郎。歸寓沙市。禪悅之餘。詩酒相娛。未幾中郎卒。悲悼成疾。因遊玉泉。訪僧無迹。遂買山。構柴紫庵於其側。自是往來多在玉泉。不復出遊。公久塲屋。舉業聲聞海內。闈中得佳卷。心疑公作。傳視相詫。曰：阿胖已落吾手矣。及拆號。知其非。皆爲惋惜。丙辰成進士。人競指其名相告。

云○明年授徽州府校○陞國子博士○庚申遷南京禮部  
主事○甲子調吏部郎卒○所著有珂雪彙集○行世  
論曰○觀袁小修先生而知士生承平之樂也○兄弟皆  
以文章妙天下○出入邊塞○登臨山水○其風流跌宕足  
以籠罩人人○亦樂得而推之○無藉於一第之爲榮也○  
卒之筮仕清曹○宦跡亦不甚顯○而小修之名○至今嘖  
嘖人口○不三十年而士之自好者○遂至沉淪山澤○或  
間闕嶺彘甚且○不保首領而堙沒不彰者○比比是也○  
其視小修○幸不幸○豈特天壤哉○

郝給事傳

公名敬宇○仲輿號楚望○京山人也○父承健○以鄉薦爲  
肅寧令○公母夢大蛇若龍○嚙左腓○人腹而姪生○公五  
歲授小學○有奇辨○與長者爲偶○句應響豪快○肅寧故  
與同邑李太史維禎善○因以子託之○及肅寧卒○家日  
落○公負氣豪邁○漸將不受羈囿○李公款款秉舊諾○引  
繩墨○俯其首○授館課業○以底於成○戊子舉鄉試○己丑  
成進士○制義千首○奔走一時名噪海內○初令縉雲政  
尚嚴明○調永嘉以治行人○拜禮科給事中○尋改戶科

疏數十上其論輔臣內官言尤痛切遂奪級除江陰  
令終落拓不得竟致仕歸性率直不苟合當世歸而  
服古崇經術者四十年堂不設賓席京山令十餘惟  
龐令以弔喪陳令以觴壽一再造謝外咸不識其面  
婢侍圍僕禿裙敝衣操作戶外無一人曳刺至公庭  
初令永嘉聞吳興學博鮑士龍嘗從王龍谿講良知  
善名理往受學命吏設筵几明倫堂下拜如童子就  
外傳禮及却掃謝客枕藉尚史雖幽憂疾痛中掌錄  
吾學未肯暫輟點窺塗抹紙札歷歷中每歲除夕輒  
令侍兒以褚囊示客衡之中石相與大笑曰聊以爲  
豪具耳因號書痴自嘲居恒每謂今日詞賦剽竊兼  
并卽王勃一日草五王冊無足多也文不根經術靡  
萍棘猥工奚當乎因著九經解經五而九何也三禮  
皆禮論孟皆傳也其解易也惡拂義而強象者若執  
義而廢象者疎故象數理俱備罔弗合而四聖同易  
序卦非強不復堯夫分先天考亭守卜筮焉其解書  
也辨孔氏古文出東晉梅賾始末悠繆不可與伏生  
二十八篇并二帝同謨五臣同誥皆不可強二之禹

貢導河漢江水法井聯過蘇秦矣。解詩原古序作自  
子夏而毛公顯微畧盡。朱子改沔水憂亂車牽新婚。  
小雅國風何別。既醉非太平。鳧鷖非守成。雅頌何別。  
如小弁爲太子傅作。益明子無刺父。毛公於詩深焉。  
解春秋本詩亡之旨。古人文章深厚。據事而美惡自  
在。夫子作春秋全用三百篇體。故誰毀誰譽。後儒以  
褒貶命詩。深文隱義皆妄也。未嘗獎桓文。孟子以三  
王罪五伯。故命爲侯伯皆不書。今見其所書不見其  
所不書。蔽於偏耳。取傳中事。經不書者以質所書可

會。解禮記卽道學之書。中庸大學禮典道學一也。

情文約禮。豈可支離裂之。二篇孤行道空虛。無實而

四十七篇。浮失根抵。宜返舊也。解周禮畿內五等都

邑畿外九服。未試用。又附會周公營洛而周公成王

未居洛土。圭地中。吳澄証其謬。是書迨後人臆說耳。

六國處士之學。故密近而疎遠。非治天下規。司空散

寄五官卽冢宰攝百職。陽分六官成歲序。陰省六官

法五行。作者以此縱橫其旨。故考工記非河間補也。

解儀禮作于衰世。故儀詳而大綱不清。不言天子諸



侯禮而時雜越相亂○非盡先聖舊也○然善者卽十七  
篇○而人倫品節在中○推演三千三百可義起○所儀不  
爲經耳○儀隨損益也○解論語六經菁華而不越日用  
下學上達○聖言氣象溫和風人之致○會其微婉以參  
春秋時事○昭合非舊○汙淺近矣○解孟子本中庸指心  
性爲理學嚆矢而微顯傳約○斬然歸一○解經意大抵  
若此○又別著山草堂二十八種○皆譚經緒論而快意  
獨得○惟經年四十○卜窆窆爲死制○囑渴葬作輓歌刻  
棺旁○至七十四○名形家擇日卜地○盛衣冠鬚髮于櫛

荷鍾兆所告后土請以今年爲死年○今辰爲葬辰○他  
時勿更擇日○誅茅啟坎子婦逮下○徹緣素冠裳○奠櫛  
而封樹石自題明給事中郝敬之墓旁用石匣函著  
書三百二十四卷以殉刻生葬文告姻黨至巳卯年  
八十二○冬日蚤起衣冠○瞞忽不擇命內外婦沐浴隱  
几坐艸扎別友人稱郝敬頓首絕筆親朋錯愕來戶  
外屢滿危坐木榻拱手爲別語止笑乘簞車出至西  
山從容下輿索筆題堂柱日升沉難定但深壑藏舟  
夜半憑誰有力來去自繇如驚風飄瓦天公於我何

心○少○頃○屬○續○而○絕○

論○日○經○學○之○蕪○也○一○靡○于○帖○括○再○荒○於○騷○賦○三○陋○于○  
訓○詰○間○有○攝○衣○高○坐○臯○比○環○聽○者○多○高○語○心○性○不○閒○  
章○句○且○生○徒○門○戶○嫌○隙○易○生○甘○陵○南○北○部○洛○蜀○荆○之○  
譽○往○往○緣○是○起○焉○如○公○閉○戶○窮○經○開○卷○獨○得○篤○老○忘○  
疲○雖○古○之○康○成○子○慎○未○能○或○无○而○又○超○然○免○於○評○論○  
真○孔○壁○之○笙○簧○羲○洛○之○鼓○吹○也○且○死○生○亦○大○矣○觀○公○  
去○來○閑○定○非○樂○天○知○天○壽○不○二○何○以○能○然○然○則○公○所○  
得○于○經○者○蓋○不○徒○書○肆○說○餘○哉○

鍾學憲傳

公名性字伯敬號退谷楚景陵人也父一貫以貢為  
武進訓導公為諸生十二年嘗不利萬曆癸卯舉于  
鄉庚戌成進士授行人改工部主事上疏請南得南  
禮部督學福建一年以父憂去職大計中人言服闋  
不起卒于家公貌羸寢甚力不能勝布褐性深靜如  
一泓定水嚴冷自喜不樂與俗人接或時對面坐起  
若無觀者同官飲集眾方歡洽獨渺然若失無酬酢  
賓主禮人以是陽敬而實深忌之然亦由是得謝絕

人事端積思于書史。嘗恨世人聞見。涓沒守文難破。故獨潛思。遐覽深入。超出當是時。歷下久矣。瑯琊亦沒。楚公安之。書盛行。其意以詩主性情。期自適。何空取古。蹈襲爲其流。及于。聖。裴。謔。浪。公。默。然。深。念。與。同。邑。譚。公。久。及。謀。取。古。詩。至。唐。爲。詩。歸。一。選。新。領。秘。別。爲。堂。其。書。等。古。取。讀。之。足。使。夸。者。去。浮。此。夫。長。慧。德。其。先。進。與。此。書。不。悅。也。別。刻。爲。書。反。覆。破。之。公。笑。謂。又。及。于。書。此。書。自。有。可。傳。者。正。不。須。護。之。大。護。此。而。其。其。博。與。如。此。而。必。欲。其。處。屬。狹。深。淺。相。去。

幾何友夏。亟嘆爲知言。當公改南時。儼秦淮水閣。閉戶讀史。有所見出。人輒筆之。久漸成快。題曰史懷。于古人多所翻駁。倦則借歌管。往來陶寫。文心每他游。入午夜。掉回曲。倦酒盡。兩岸寂無聲。而猶存一燈。熒熒守筆墨。不收者。則略然。伯敬也。東南人士。以此稱公。真好學者。所至名山川。必游游。必是日。濤。激。極。升。降。縈。繚。之。美。使。蜀。歷。三。峽。入。東。魯。登。高。觀。日。出。過。閩。陟。武。夷。盤。桓。忘。反。山。川。豫。待。人。士。歡。迎。其。詩。文。未。嘗。不。勇。進。而。勤。徙。也。年。四。十。八。九。始。念。人。生。不。常。佛。性。

漸失悲淚自矢以爲讀書不讀內典如乞食終非  
自爨男子住世數十年不明生死大事貿貿而去一  
妄庸人耳乃研精楞嚴眠食藩漏皆執卷熟思折衷  
于永新孝廉賀公中男著如說十卷病臥猶沾沾念  
之曰使吾數年視息人間猶得細窺妙莊嚴略也沒  
之前二日告于佛受五戒法名斷殘發來生願而沒  
時年五十六生平簡易不治威儀敝車羸馬嘗游虎  
丘遭兩公子見侮羣僮歌作提擗勢亟趨避  
明日傳刺有兩見肅衣冠書幣謹以文

性喜擇士一見面知其人卒以成名者甚衆子肆  
夏年十四爲諸生穎邁先公卒公竟無子所著有隱  
秀軒集

論曰公書旣行于世諸評斷小語皆布流海內竊附  
者或僞託以傳然而莫能私焉當詩歸初盛播士以  
不談竟陵爲俗王李之熾幾爲盡拔及其後遂有吐  
棄厭薄畫地不入者夫性情苞密必假文承以紳德  
厚雖其後四餒而三宿之簋黍錮羹有時不如畦蔬

然○貴○賤○異○矣○是○故○學○上○李○雖○未○至○拓○郭○廓○備○鏗○鏘○猶○  
俟○諸○三○條○焉○儉○儒○苦○細○帙○浩○繁○與○援○公○安○竟○陵○而○以○  
其○竅○鳴○九○廟○之○儀○降○爲○野○祭○沒○世○無○所○設○炳○煌○識○大○  
小○者○焉○効○考○衷○然○而○非○倡○始○意○也○若○其○刈○莠○除○礫○表○  
章○幽○遺○尋○微○之○功○又○曷○可○少○哉○

張庶常傳

公諱溥字天如號西銘遠近學者稱天如先生南直  
太倉人也兒時奇慧好學如成人日讀書數千言年  
十五喪父奉母金居西郭倚戶下帷上自皇古下迄  
今茲凡治亂興廢賢愚是非無不殫厥理要十九補  
諸生聲聞藉甚同邑吳公偉業從公受易相期以天  
下事志爲大儒且不欲以科名讓與人與張公采尤稱  
合志同方創立復社聯絡吳越俊造凡經明行修之  
士羣萃其中士以不得與爲恥崇禎辛未成進士第

七人除庶吉士公好別白邪正在中秘以臧否人物觸執政要人怒要人思有以中之公乞假歸要人伺隙不得乃指婁東社黨招里中豪猾條事入疏而蘇州司李某望風復許公謂已去官由復社事下提學御史巡撫都御史勘議議上拂執政意有旨切責必批根乃已牽連六七年而公以暴病卒公死後復有攻公希跳獄者再得嚴旨責公及張公采各自陳采具疏備述顛末申云謂復社是臣事則出處年月不符謂復社非臣事則生同砥礪死避羅戈負義圖全

臣不出此未且云念溥日夜解經論史矢心報國曾未一服官懷忠入地卽今嚴綸之下并不得泣血自明良是哀悼疏上上亦鑒書生結社不過倡率文教無他罪置勿問後御史劉公熙祚給事中姜公採交章爲公訟寃言公砥行方聞所纂修經史有功典學請悉徵遺籍備史館奉旨如御史給事言書屬提學御史呈進天下傳而頌之公事親孝旣長依母若孺子兄弟愛極天倫親賢下士赴義行仁孜孜不倦諸生沈承負才天公抱其遺孤歸撫爲子周恤備至蒙

師劉振溪歿于水公爲營葬歲恤其妻子何孝廉南  
春杜刑部麟徵曹憲副三用許給諫國榮歿時皆以  
孤托公咸經紀其家居鄉亟求民瘼汲汲布惠吳水  
國舟子多榜官闕予雄公禁不許所爲文融洽經史  
高出西漢詩皆三唐風格嘗言昔稱三不朽要各有  
類如德則修身及家均平天下否者備顧問奏對三  
雍爲國家作述禮樂昭宣教化功則爲社稷臣勒銘  
旂常否者表章六經裁量子史俾後學有所依倣稽  
勲亦不在撻伐下言則冠豸螭陛屈軼指佞言行道

亦行否者著成一家藏諸名山使千萬世知有其人  
比于龍門扶風其立志宏遠如此所著有七錄齋集  
史論一編二編及論畧春秋三書十三經合纂歷代  
文典文乘通鑑紀事本末宋元紀事本末古文五冊  
漢魏百名家歷代名臣奏議等書行世  
論曰予髮未覆額卽誦張先生制舉義顧以未得御  
元禮識荊州爲恨然予獲侍駿公夫子猶之乎親見  
天如先生也讀先生之遺書上追典誥下斥齊梁豈  
非一代宗工乎乃以才高觸忌一仕卽已卒之道垂

字內名動天子是豈曲學小儒所得幾其萬一哉先  
生于是乎不朽矣

黃副使傳

公諱汝亨字貞父號寓庸浙江仁和人也少負文譽  
遠近負笈者綦易相嚙中萬曆戊戌進士拜進賢令  
最負廉潔聲五年政成以異等內召中忌者口左遷  
淮離載起南京工部徙禮部精膳郎擁臯比談經暇  
則策青騾徘徊山水間退而堅扃捷自若鍾伯敬嘗  
曰以貞父若而人不使之作熱官獨得偃仰于金陵  
曹署仕隱吏仙天若有所私于貞父者已督學豫章  
嫉時文弔詭而力挽其衰有迴瀾砥柱之功且執法



峻厲竿郵屏絕人皆服其虛公既遷湖西兵備因齋  
捧過家擇南屏之麓營寓林老焉遂不復出旋于山  
居構雲岫堂曝書其中海內乞言者倚公爲司命孝  
子不得無以子寒士不得無以士書賈不得無以通  
五方而走重譯公應手給造請者毫不告瘁天故丙  
寅年六十有九卒學使樊公祀于左廡生平茹淡  
素田廬無中人之產纂輯有史海淘珍古奏議廉吏  
傳正始編行世晚年稿多散帙合舊刻及白門草山  
遊草梓之得詩六卷文三十二卷曰寓林集子茂樞

早卒婦顧氏名若璞以節稱刻有卧月軒詩集  
論曰文章吏治兩者難兼以予觀于萬泰以來作者  
並起登壇樹幟無慮數十家惟先生以清深遙雋之  
才發中正和平之韻都人士翕然歸之及其出政臨  
民功成剴割績茂拊循又何所至有能聲也西湖山  
水秀甲天下地靈所鍾其在斯乎

文光祿傳

公名翔鳳，字天瑞，號太青，陝西三水人也。中萬曆庚戌進士，除萊陽知縣，調伊縣，遷南京吏部主事。以副使提學山西，入爲光祿少卿，不赴。卒於家。公父任茲起家進士，神廟時以程文奇爲禮官，所糾遂不復任。作梅花詩至萬五千言，講德摛詞，以奧古爲宗。公繼承家學，彌益演迤。庚戌，殊卷房考雷簡討，思需鈞稽段落，以青筆乙其處，始就句讀。其論學以事天爲極，則力排西來之教，著太薇以翼易，謂太玄潛虛未窺。

其藩錢宗伯謙益將行其藁過邸舍再拜付之語人曰太薇南矣以辭賦爲專門絕學覃思腐毫必欲追配古人嘗稱曰屈宋枚馬生知之聖也神至於不可知楊學知之聖也大而化矣班張左大賢也充實有光輝而未果化潘陸以後充實而美矣光輝乎何居余欲建子雲以爲師友太冲與之爲朋而未之逮也作金陵六賦以當京都蓋其大志如此其爲詩離奇突兀不經繩削馳騁其才方可與唐之劉又馬異角奇聞險峻作嘉蓮詩七言今體至四百餘首亘古未

有繼配鄧名太妙有异才每春秋佳日奉其母夫人版輿出遊登車弔古夫婦酌倡筆墨飛舞爭先鬪捷著有三出西郊記讀者艷之公白晳長身秀眉飄髯風神標格如世所圖畫文昌者其爲人忠孝誠敬開明愷悌迥然非世之君子也

論曰啓禎之際以古文詞典奧離奇雄視海內者閩嶠則有石齋夫子關西則有太青先生二公死其夫人皆爲文以祭淋漓感慨海內人士爭誦之獨是鄧以才華爲世所知流離顛沛聞燕冀秦趙之間郵墻

旅壁所在留題。往往皆黃鵠口笳。漠南塞北之語。閨閣之生。固有幸有不幸焉。

楊學博傳

公名以任字維節。號澹餘。瑞金人。沉潛力學。才名不可一世。生平不濫交。氣節侃侃。視榮祿如敝屣。弱冠舉孝廉。與同邑朱敬之。謝士芳。謝子起。楊汝基。及汝基之叔某。結社論文。自江右以至吳楚。燕齊無不嚮風。所謂赤水六雋是也。公與五君子砥礪切磋。恒以道義相許。後敬之計偕北上。殞于途。士芳子起。汝基丁卯罷歸。有暴客掠其舟。一時驚躍。並溺于波流。湍激中。公聞之。往其地。枕尸而哭。極哀。且日敬之先逝。

二子繼歿。吾其偷生乎哉。自是功名日澹。又哭告邑侯吳君。吳君素重其望。爲建祠。豎碑。購田而祀之。題曰四賢祠。仍搜所遺詩文。序而刻之。以標四賢學業。辛未公登進士。授應天教授。弟子之趨風問字者。履相錯也。癸酉分試。闈闈得士。奇特。陞國子監博士。旋卒於官。卒之日。四壁蕭然。篋無遺貲。幾不能殯。殯不能歸。賴二三同籍周旋之。始獲就木。生平與熊吏部文舉爲聲氣友。不獨文字有針芥之投。凡所商畧。遠于世情。而篤于古道。詩如貫而易。如蘭不啻也。公死

文舉爲文哭之。有云。吁嗟維節。孰能以秀才而強天下。爲已任者。非君乎。孰能弱冠領賢書。十餘年較然不欺其志。粗厲朴簡。恂恂而無畏見影者。非君乎。孰能以儒生不屈之威。遏流寇。方張之談。綸巾策敵。枕席過師。免桑梓數萬之蒼黔者。非君乎。孰能不負死友于赤水之社。生則道義。死則骨肉。求其尸于原隰。寧其魄于蛟宮。像廟江干。褒其遺刻。置田立祀。歷春秋不替者。非君乎。孰能年少登第。孤行一意。鄰處官舍。立馬蕭然。國子先生。蓋盪不飽。如君者乎。孰能爲交

高寒澹靜力爭千古。自砥狂瀾。如君者乎。孰能宵得  
一士。且必告人。見美不售。食難喫。薦唯恐。後失則  
憤痛如君者乎。孰能朗朗還空。明明返本。兒女不溺  
其志。僥寒不溷。其念如君者乎。人欲爲篤論云。  
論曰。儒者輒談文章聲氣。至薄辭愛。爲會節。余竊感  
焉。昔在西晉太康之末。豈游談是之。而錢神獻嘲。遂  
以亡國。廉頑之于義。大矣。觀楊先生之立馬蕭然。盡  
盥不飽。至于死不克。豈非至難者。與若其負文  
教友誼。抑又未已。

陳行人傳

公名際泰。字大士。號方城。臨川人。天分殊絕。讀經史  
一目數行。下嘗點二十一史。不三月而成。人以其畧  
公曰。諸君目鈍。我橫看爾。爲制義宗。先正而盡棄浮  
靡之習。日或抄數十。梳不少倦。積文萬餘。海內得其  
文。怪不敢視。久且姑置。自金壇周鍾。唱嘆於揚。嚮風  
者。始翕然宗公。卒淹科目。二十餘年。至庚午。得於山  
陰宋運昌房舉第七人。辛未。不第。婁東張公采深慕  
之。特請於銓司。往令臨川。昕夕與公遊。聯復社諸公。

與臨川數君子此唱彼和文風丕盛甲戌計偕六公  
震孟校公卷荐第二人成進士授行人滿五載不一  
遷已卯主貴州試所校士無足當其意者告歸不數  
年以疾卒所著有五經讀太乙山房稿一十五卷子  
士鳳士驥善屬古文詞有父風  
論曰先生洵一代文人也晚受知于文文肅公甲戌  
榜放縱貴鄉陽而功名未顯事業無聞齋志以歿楊  
解元維斗謂大士文無一不自傳註大全及先輩中  
來特故爲高魏其貌奔放其勢幽渺其思使人不敢  
以傳註大全及先輩之跡求之庶非有靈心妙運則  
不能也斯言真知先生者哉

譚解元傳

公名元春字友夏湖廣竟陵人也少喜言詩頗規摹  
昭明選體落筆輒肖已復去之學盛唐後乃出心穎  
取奇俊翩翩多致時同邑鍾伯敬禮部方以宿學列  
縉紳才名鵲起海內爭嚮慕之不易許可獨盛雅服  
譚子相引重為莫逆交會同安蔡公復一分憲楚中  
伯敬為言譚子蔡公因從伯敬所獲譚子詩歌古文  
辭讀之亟稱善書幣下交一再造語遂如坐平至躬  
造譚子寒河談讌終日于是譚子聲名日益盛既重



傷風雅頹喪。始敗于浮夸。中傷於險儻。僂俗遂與化。敬爲詩歸一。選冥心。放懷期在澹。永海內。稱鍾譚。繇此且目之。爲竟陵體矣。久困諸生。西安徐公。日久令江夏。深賞其文。錢塘葛公。寅亮督楚學。秉風裁。有水鑑號。按譚子稱逸才。出群擊節。歎異諸同。破盼昧者。多翺翔。春秋昂藏去。而譚子以當路。忌葛公執法。遂疏論其文。瑰琦過度。舉譚子與劉公。伺何公閤中輩。諸篇爲口塞。几落學籍。譚子慨然。長嘯欲挂門入山。著述誓不復沾沾腐齒。會後督學者周公鉉。夙慕譚

子。敦勸出試。秋試後。猶故譚子也。後值恩選。得貢禮部。入北闈。試不偶。如故。是時譚子名徧天下矣。所著書流行國門。群少年爭嗜之。稟爲師匠。而譚子性喜游。又遭遇坎坷。偃蹇不得志。不能俯頭。角猥陋。從籬壁間。呻吟則愈。縱其氣於舟車所至。追尋佳山水。躡屐展扶筇。窮極幽勝。著之篇詠。一時名流豪雋。相與把臂接塵。談論風生。其車服聲伎。玩好藥餌。費俱取足。贈遺匡廬彭蠡。金陵至姑蘇。兩浙每旅邸。賓客往來。綾文刺日。走五父衢。筆扎錯落。冠裳雜遝。久而歸歸。

卽復游性本孝友傷其先人早逝母日老雖善遊時  
歸定省母弟五人皆閑筆墨互爲師友母兄弟妹食  
必同席人直供一日薄暮取酒相對談學業世事母  
喜出聽自置餅餌蔬醴佐譚子兄弟酌啖問辨以爲  
樂而譚子困頓久性不柔耐輕去易就又憤世人勞  
役恥辱博科名至公卿負心而稱義以人之死而得  
安嘗慨不暇忍則抑其心勉就灰冷日何必富貴爲  
然而感慨多矣中懷橫集屢起屢抑始信據枯食槁  
而死不悔之難也生平最深知如鍾蔡又相繼淪沒

顛毛蕩然車牙豁去天啟丁卯譚子年且踰四十始  
爲主司李太史明睿拔置楚闈第一天下莫不喜其  
身而悲其晚且冀幸詩能窮人之說或以譚子不驗  
也隨丁母憂憔悴艸土中服闋一上春官不第會

天子行薦舉法編修王用予以譚子名上譚子靡不  
就門取莊生南華訂之篇有評署名遇莊已讀大學  
衍義欲有所刪述丁丑赴公車抱病卒於途所携篋  
中書無爲收者強半散失海內聞而悲之督學高公  
世泰祀之鄉賢其文曰故解元譚友夏至性絕才清

文篤行。孝友類。元紫芝。而風流獨迥。介潔如孟。棄野  
而澹宕不群。觀其蚤孤。抱多傷之感。報母銜。鳳極之  
悲。有觸必宣。無聲不唱。每披遺句。輒重泣然。本此深  
淳。散於筆墨。篇閔師友。則鄭重流連。語涉弟昆。則纏  
綿排闥。山水增其窈窕。絲竹遇而高閒。可謂風兼哀  
樂。豈徒躄變齊梁。若乃制義追正始之音。古文寫空  
玄之影。詩歸一選。手闢蠶叢。遇莊數篇。神傳蝶夢。揖  
古人。十烟霜。冰雪之中。開後學。以靈卦。蒼寒之緒。微  
言可尋。伊誰之力。又復禊躬。肅括鑿物。淵夷踪。長閉

戶。徐孺之榻。空懸履止。尋山。閔叔之肝。無累。荷衣惠  
帶。偃蹇玄纁。萬卷三冬。復游棟宇。連枝賴姜被之教。  
以成名。同氣述田荆之愛。而隕涕死後。永思如此。當  
年隱德。可知宜申藻潔。芹香之薦。用招蘭芳。秀菊之  
魂。非惟馨宗雅頌。從此有光。且使泮水蘋蘩。差稱不  
俗。侶季疵於一室。共酌素茗。慰伯敬于九原。同歸白  
首。時人以為篤論。云子笑籍。皆有文。  
論曰。風騷之業。始于屈宋。明興楚材。代起。然以才人  
領解。額名海內者。惟吳明。卿一人。譚子乃克繼之。顧

文篤行。孝友類元紫芝。而風流獨迥。介潔如玉。棄野  
而澹宕不群。觀其蚤孤抱多傷之感。報母銜鳳。極之  
悲。有觸必宣。無聲不咽。每披遺句。輒重泣然。本此深  
淳。散於筆墨。篇閔師友。則鄭重流連。語涉弟昆。則纏  
綿排闥。山水埤其窈窕。絲竹遇而高閒。可謂風兼哀  
樂。豈徒躡變齊梁。若乃制義追正始之音。古文寫空  
玄之影。詩歸一選。手闢蠶叢。遇莊數篇。神傳蝶夢。揖  
古人十烟霜。冰雪之中。開後學以靈卦。蒼寒之緒。微  
言可尋。伊詎之力。又復禔躬。蕭括鑿物。淵夷踪。長閉

戶。徐孺之榻。空懸屐止。尋山。閔叔之肝。無累。荷衣惠  
帶。偃蹇玄纁。萬卷三冬。優游棣萼。連枝賴姜被之教。  
以成名。同氣述田荆之愛。而隕涕死後。永思如此。當  
年隱德。可知宜申藻潔。芹香之薦。用招蘭芳。秀菊之  
魂。非惟馨宗雅頌。從此有光。且使泮水蘋繁。差稱不  
俗。侶季疵於一室。共酌素茗。慰伯敬于九原。同歸白  
首。時人以為篤論。云子笈籍皆有文。  
論曰。風騷之業。始于屈宋。明興楚材。代起。然以才人  
領解。額名海內者。惟吳明卿一人。譚子乃克繼之。顧

明○卿○雖○七○子○縱○橫○銅○槃○牛○耳○宴○瑯○琊○濟○南○為○政○僅○以○  
玉○帛○相○見○中○原○未○若○友○夏○一○往○絕○塵○揮○王○李○而○掩○公○  
安○自○開○堂○奧○也○特○明○卿○官○方○伯○享○中○壽○友○夏○祿○位○齡○  
算○事○事○遠○遜○嗟○乎○湘○澤○樵○悴○搖○落○悲○秋○楚○人○多○怨○屈○  
宋○已○然○豈○獨○友○夏○哉○

何尚書傳

公名喬遠字穉季號匪莪晉江人素承家學慨然以  
儒者自命成萬曆丙戌進士授刑部主事刑曹務簡  
多暇因徧習高皇帝以來實錄及諸稗官野史家  
傳輯成一書數十卷曰名山藏其詞簡質有微顯闡  
幽之義已擢禮部員外郎三王並封詔下公上疏以  
祖訓爲言謂朝廷無待嫡之條元子無冊封之禮震  
器不可以久虛國本不可以徐定語甚切直二十一  
年當內計給事吏部相計考功郎趙南星不勝而罷

明○卿○雖○七○子○縱○橫○銅○槃○牛○耳○宴○瑯○琊○濟○南○為○政○僅○以○  
玉○帛○相○見○中○原○未○若○友○夏○一○往○絕○塵○揮○王○李○而○掩○公○  
安○自○開○堂○奧○也○特○明○卿○官○方○伯○享○中○壽○友○夏○祿○位○齡○  
算○事○事○遠○遜○嗟○乎○湘○澤○樵○悴○搖○落○悲○秋○楚○人○多○怨○屈○  
宋○已○然○豈○獨○友○夏○哉○

### 何尚書傳

公名喬遠字穉季號匪莪晉江人素承家學慨然以  
儒者自命成萬曆丙戌進士授刑部主事刑曹務簡  
多暇因徧習高皇帝以來實錄及諸稗官野史家  
傳輯成一書數十卷曰名山藏其詞簡質有微顯闡  
幽之義已擢禮部員外郎三王並封詔下公上疏以  
祖訓爲言謂朝廷無待嫡之條元子無冊封之禮震  
器不可以久虛國本不可以徐定語甚切直二十一  
年當內計給事吏部相計考功郎趙南星不勝而罷

陳泰來等救之。語侵王錫爵，亦奪官。公復極言泰來等非黨論亂政，不宜嚴譴爲宰相釋憾，不報。而是時倭入朝鮮，兵部尚書石星力主封貢，下禮部。公上議曰：「貢之爲害顯而易知，封之爲害隱而愈甚。石星以永樂間曾封日本國王爲例，不知成祖朝海內君長上古所不臣者，皆賜名號，凡數十君，聲威物力，此何等時！然亦封之不久，旋即坐事。則太祖之訓，不可違也。若今請封之後，彼不假謝恩之名，以求通乎吾勤命，使使不挾之，以求貢乎兵機，慎密臣等禮臣

何敢與聞。至若移咨朝鮮，則揆諸時勢，萬有不可。夫星之所謂請封者，兵事也。兵部與經畧議之者，至冊封典制也。宗伯議之，舉朝公之者也。今卿士未謀蒞莛未採，及遽移咨屬國，號于朝鮮曰：「吾已許封關白矣。」吾之策倭有良畫矣，則本兵能之，而禮臣不能也。公又責星于朝堂，謂其不爲國家計，長久徒以和欺主上。星不聽，乃再上錫爵書。一言宰相不可信，私人有所左右，一言主上未嘗堅持封貢之議，閣下爲他人紓難，而以其國當禍胎，非策也。其後封貢事敗用

兵數年。人始服公。先見明年當試士。禮科議變京考。爲御史地。持不可。肅王薨。其子請襲爵。尚書羅萬化以藩府與朝廷不同。當行三年喪。而世子賂中官請之。公卒持萬化議。衆不能奪。鄭世子載堉辭爵。請封其子。以成世子之讓。晉府中尉有當封者。禮曹胥吏索賄。格不以聞。公啓主者立爲請封。其他立宗學。開宗科之議。皆發自公。會部有宗室名封疏。主事洪文衡上牘。誤遺公名。坐奪祿三月。而中官惡之。竟摘廣西布政經歷文衡。願具疏任罪。公力止之。謂俱去無

益。亡何文衡遷吏部。卽請告歸。曰。吾不忍負何君也。人兩賢之。已白廣西歸。益孜孜性理之學。集紳士聚講。羅倫祠中以省躬克己爲主。閩人翁狀宗之。居久之。光宗卽位。起公爲光祿少卿。鄒公元標一見與語。歎曰。吾道碩果也。時遼陽破。廷議銳言恢復。公獨言宜堅守廣寧。未可輕戰。亡何廣寧破。熊廷弼王化貞皆遁還。偕馮從吾等疏請逮治。而奏記葉公向高。請誅失事諸臣。以毋誤山海之守。尋進左通政。值山東妖賊作亂。陷城邑。公上言。赤子無知。與外敵異乘。



王師大捷請赦其黨以廣好生。上嘉納之。亡何元標以建書院得罪。公言上。梁文出。臣手當與俱。罷不許。尋進光祿卿。悉釐故弊。吏皆束手。尋引疾不許。遷通政使。言者乃劾公。因病得遷。遂力求去。加戶部右侍郎。以歸。時海寇鄭芝龍。李魁奇等爲患。已陷泉州。素聞公名。戒所部環鏡山十里。毋動鏡山者。公所居也。公遂登城諭芝龍等。皆願就撫。已而魁奇與芝龍閉泉州。復危欲再撫之。魁奇曰。欲撫我者。非公不可。于是守臣復強公往諭之。公不得已。與兵部主事曾

化龍舉人李焜往。曉譬甚至。皆伏。遂退。懷宗卽位。起南工部右侍郎。署部事。上䟽言。陪京根本重地。不可無備。而徧遺大臣。臺諫書請蠲工部逋額。不能得也。明年春。乞骸骨。歸。是歲卒。贈工部尚書。妻王氏。自經以殉。所著有名山藏。編年錄。閩書。數百卷。卒以正學名。儒祀學宮。論曰。當神廟時。國家大事。莫過冊立東封。公皆侃侃執禮。力諍。可謂得事君之正者矣。至其博學多通。著書立說。直與鄭端簡。王弇州。馳騁上下。于遷固。躡

壽之間豈非一代良父才哉

朱文恪傳

公名國祚字兆隆秀水人萬曆己丑進士廷對第一授修撰內艱起補故官奉命冊封周府郡王外艱起除洗馬充皇子侍班官已進諭德兼侍講尋陞禮部右侍郎時東封事起兵部尚書石星信沈惟敬甚堅公謂星曰此吾鄉曲無賴因緣為奸利耳公獨不計辱國乎星不能用湖廣稅瑞陳奉橫甚巡按御史曹楷欲投劾去公貽書曰潔身自全曷若為民請命楷乃上疏發其狀上怒幾逮楷而奉亦竟撤御史曹學

程論東事下詔獄冬至當決公請閣臣申救事得解  
王德完亦以言事被杖居逆旅公獨往視慰勞甚至  
總兵李如松戰死奉命致祭其父成梁厚贈公峻拒  
之成梁曰此真清學士二十七年署尚書事上疏爭  
冊立謂九廟神靈萬邦黎庶日望此舉天下有大本  
願陛下早定之國家有大禮願陛下早舉之朝廷有  
願陛下早踐之勿更推諉節屆立秋又上疏請  
並舉之中先行冊儲之禮明年春又疏請言  
家衣食稍給未有十九歲不冠婚之禮况天

子之元子未幾貴妃弟鄭國泰合勛戚李承恩等  
先冠婚後冊立之說公據祖制特言冊立而後冠婚  
儀仗冠服其等辨祝醮敕戒其辭嚴升降坐立其位  
別稱賀拜舞其節隆此皆因名生分因分生禮不可  
更易奏上切責承恩等明年正月又上疏請大典吉  
期上報以旦夕有旨已而不下三月復請信皇言不  
報則又合辭奏請卒奉旨擇日冊立皇太子并封福  
瑞惠桂四王中外大悅咸謂公功時陝西狄道山崩  
其南更漏五山公疏請痛自修省定社稷之本擴轉

園之度。蠲無藝之征。積餉練兵。寧綢繆于未事之先。勿周章於多事之日。又尚寶司印。綬監災。社稷壇枯。樹煙發。復上四事。安民心。收人望。通下情。清濫獄。消弭之計。在實政。不在弥文。雲南巡撫陳用賓輸額貢。以土物附進。公劾之曰。進貢自有常額。附貢則不經。以今日附貢爲他日成規。以滇南一省爲各邊常例。乞賜卻回。他如請御殿開日講。止採權闢言路。崇正學。凡職掌所關。危言侃論。無少避忌。上嘉其直。弗罪也。三十年改吏部右侍郎。請告歸。家居十八年。光

宗卽位。起南禮部尚書。兼東閣大學士。至則已晏駕矣。公每事持正。不肯依阿。鄒公元標偶於經筵失足。上疑其疎慢。公曰。元標昔年受杖。不能久立耳。朱欽相等以劾客氏忤旨。趣同官方從哲申救。得寢。尋加太子太保。進文淵閣。有同官偶與中官立談。公以閣體未可輕褻爲規。中官每傳旨。詰閣臣誤擬。葉公向高力辨。公曰。無庸第堅持之耳。二年。推主會試。中旨特用公。給事侯震暘疏糾。公乞休。不許。三年。加少保。兼太子太保。戶部尚書。入武英殿。疏十二上。告歸。加

少傅兼太子太傅子蔭遣行人護送賜銀幣馳驛歸  
尋卒贈太傅謚文恪  
論曰文恪立朝不徇門戶至今兒童婦女猶稱道之  
蓋其直節足以動人主而廉介足以風有位也跡其  
冊立屢䟽侃侃力諍豈非引君子當道者與

蔡巡撫傳

公名復一字元履同安人萬曆二十三年進士授刑  
曹歷郎中改南戶部復入爲武庫司屢陞湖廣按察  
使兼管兵備道事分巡荆岳而強虎情溪篁子圩等  
哨兵以索餉聚衆焚殺進屯山谿距州三十里許公  
疾馳至沅大開城門以待之再遣都司汪如淵往諭  
隨取辰州庫銀量給之而密令守備金有聲擒亂首  
六人配二人逐二十四人事乃大定公又條議兵政  
今欲制苗不必求之苗在求之我因陳議將三款而

首曰重責成請申飭叅守營將官將練兵守險二事  
實用心力以窺伺之智料敵以妬人之心責已以推  
避之精神整頓軍政以顧恤之體面較勘職業人謂  
名言議兵有七一曰簡精銳二曰除戎器三曰申策  
應四曰守要害五曰割冒糧六曰明賞罰七曰權勦  
撫議糧苗有三一曰創反側二曰杜濫增三曰禁侵  
削議漢氏有三一曰防磨算二曰  
引議士司有二一曰  
疆營大入殺掠  
引議士司有二一曰  
疆營大入殺掠

曰占兵一曰賣兵一曰賣苗一曰賣路皆切中時病  
因條五議一曰束隊伍以行簡精銳之法二曰把苗  
路以行守要害之法三曰立會哨以行申策應之法  
四曰煉火攻以行除戎器之法五曰責欺縱以行明  
賞罰之法俱一一舉行公在事七年飭將領清苗根  
革鎮算常例加陞右布政改山西陞左天啓元年陞  
都察院右副都御史撫治鄖陽時貴州巡撫王三善  
陷沒兵科給事胡泳順薦公熟習夷情四年二月陞  
兵部右侍郎兼都察院右僉都御史巡撫貴州貴賴

蜀楚爲用。用楚勢闊而節長。用蜀勢險而節短。請以  
川東湖南北兼制諸路。假臣以軍法治之。上命焯  
總督行事。尋加總督。仍兼行巡撫事。公上疏言黔之  
禍。在苗不在水。西其害在無民。不在無兵。非制苗無  
以孤城。非附民無以實黔。于是出勦諸叛苗。其攻破  
一百七十四寨。擒斬二千三百餘人。及其黨阿賣等  
有名寨首五十餘人。九月丙子。班師貴州。未得代  
卒于官。

論曰。天啓間賊禍未啓。惟苗夷爲患。朕致下六衛

韓脩撰傳

公名敬字簡與號求仲歸安人父紹登嘉靖辛丑進士居兵垣有重望公生而穎敏不群異之曰此千里駒不復从且鹽下也時宣城湯賓尹未遇延于家讀書清樞堂相得爲忘年交公後宣城十五年始舉于鄉萬曆庚戌宣城分會試房公中進士第一人叩之卽出宣城門一時爭奇廷賜第一甲第一一名時以詞林壅滯請停館選公獨以勇甲授脩撰未幾部臣丁元薦疏料賓尹語侵及公公告歸壬子臺臣孫君相



再論順天場事株及庚戌會試諸士首及公事尋得  
白○謫○南○行○人○司○司○副○復○中○討○典○以○歸○公○屢○為○浮○議○所  
抑○居○官○不○得○大○顯○退○而○校○一○代○之○文○額○曰○文○在○文○閑  
以○告○天○下○天○下○奉○為○金○科○玉○律○公○嘗○曰○崇○侯○能○諧○文  
王○而○無○可○奈○何○文○王○之○易○公○伯○寮○叔○孫○武○叔○能○毀○孔  
子○而○無○可○奈○何○孔○子○之○易○詩○書○春○秋○其○感○概○有○如○此  
公○博○極○羣○書○一○目○數○行○下○書○法○在○蘇○米○之○閒○居○鄉○不  
殖○生○產○四○方○名○轍○至○必○飲○飲○必○醉○選○制○義○樹○規○標○的  
為○世○宗○風○南○都○復○贈○公○官○脩○撰

論曰○今天下童而習舉業者莫不知有韓求仲先生  
跡○先○生○選○定○文○在○文○閑○一○書○準○古○型○今○存○先○民○之○模  
範○引○繩○削○墨○作○後○學○之○津○梁○厥○功○誠○不○小○矣○近○代○丹  
黃○雜○出○汗○牛○充○棟○惟○南○昌○之○定○待○吳○門○之○同○書○灑○陽  
之○大○家○金○沙○之○紀○年○虞○山○之○定○本○並○皆○羽○翼○傳○註○海  
內○翕○然○稱○之○庶○幾○永○嘉○之○末○猶○聞○正○始○之○音○焉○乃○有  
銅○臭○之○子○甫○離○向○讀○便○附○名○流○擅○搽○選○政○不○曰○某○先  
生○手○評○卽○曰○同○學○論○定○豈○非○韓○公○萬○世○之○罪○人○哉

陳解元傳

公諱山毓字賁聞嘉善人祖卿傾貲賑族黨有陰德  
父於王官福建按察使所至有善政公生而負異才  
酷嗜古爲人敦倫好善有恬懷雅度所居左右圖書  
數千卷掃室焚香穆然靜對吐棄一切俗况如塵土  
幼受經於吳公志遠與其弟龍正潛心制義以第一  
人自負萬曆戊午舉浙闈解元龍正亦舉辛酉北榜  
一時有雙璧聯珠之譽試南宮不利益發所藏書讀  
之而於騷賦尤極工妙自謂儒者誠有志繼前聖開

來學必本於六經。階於濂洛關閩。翼以諸史百家。然而心不擷其精華。身不繇其矩度。徒以追時好。取世資。使廉恥。買亂風俗。頹靡是經史。為盜器也。吾勿取公之學。大都在洗滌嗜慾。辨晰取與。以期不負聖賢。不愧幽獨。而悲今思古之懷。則往往發之於騷賦。其生平所著。自擬古外。皆有慨於中。以宣洩其不平之情。而歸之於禮義。蓋不獨追駕屈宋已也。年三十八。遽得疾。疾且殆。為文以自祭。灑灑千言。今閱者如讀古離騷。天問。招魂。哀郢等篇。淋漓激楚。想見其為人焉。長子舒。登己丑進士。仕副使。有政聲。論曰。吾觀高忠憲公所撰公誌。多援靈均事以相况。及讀公自祭文。又何其悲其志潔行廉。觸然不滓也。夫古來賢人君子。其懷忠抱義。不得志以死者。何可勝數。獨汨羅遺蹟。至今憑弔有餘悲焉。公少負異才。擢賢書第一。未竟厥施。而遂賫志以歿也。天不可問。古今同慨。悲夫。悲夫。



